

أنا أيوب

معوض حلمي علي

مصر / أعمال حرة

أتوب إزاي وأنا أيوب
موجوع لكن باداوي قلوب
ماشى الخطوة بالإحساس
وسلاحي القلم والفاس
وأنا المعنى بهموم الناس
باداويهم وابات مغلوب
أتوب إزاي..
أتوب إزاي وأنا أيوب
على كل السكك مصلوب

برغم الفقر سيف جلاذ

لا انا بايع ولا عواد

أنا زارع لناسي الزاد

لا انا باير ولا معطوب

أتوب ازاي..

أتوب ازاي وانا أيوب

وانا عايش في كون معيوب

مايين لقمه وغموسها الحاف

والعيشه اللي بالإسفاف

والناس اللي عايشه كفاف

والجهل اللي عبي قلوب

أتوب إزاي..